

Ministarski sastanak na marginama Bledskoga strateškog foruma

Visoki predstavnik Valentin Inzko sastao se sa hrvatskom ministricom vanjskih poslova Vesnom Pusić, slovenskim ministrom vanjskih poslova Karlom Erjavecem i crnogorskim ministrom vanjskih poslova i evropskih integracija Nebojšom Kaluđerovićem.

Visoki predstavnik je upoznao ministre sa trenutnom političkom situacijom koja je ponovo usporila napredak u pravcu EU i NATO integracije i koja odvlači pažnju političara sa stvarnih problema sa kojima se suočavaju građani BiH.

„U trenutnim okolnostima, stabilnost BiH i dalje predstavlja izazov i stalno zahtijeva djelovanje jedinstvene međunarodne zajednice“, rekao je visoki predstavnik. Inzko je pohvalio privrženost Hrvatske, Slovenije i Crne Gore Bosni i Hercegovini i njenim dugoročnim ciljevima.

Visoki predstavnik Valentin Inzko učestvovao je na sedmom Bledskom strateškom forumu, godišnjem sastanku koji se održava u slovenskom gradu Bledu, u organizaciji Ministarstva vanjskih poslova Republike Slovenije i Centra za evropske perspektive, koji okuplja visokorangirane kreatore politike iz Jugoistočne Evrope i šire.